



BARO A JERUSALEM

Dagiti Iglesia iti Entero a Lubong

Pastor Tony Alamo

Ti Nakristianoan a Nasion ni Alamo

Libro 20500

TI KAKAISUNA A DALAN A RUMMUARAN

ni Tony Alamo

Ti bukel nga imbaga ti DIOS ken ni Abraham a mangbendision iti amin a nasion ket bukel nga addaan iti biag nga agnanayon iti bukodna (Genesis 12:3). Amin a bukel ket addaan iti temporario wenno saan a mataginayon a biag, ngem maymaysa laeng ti bukel nga addaan biag nga agnanayon iti bukodna. Dayta ti “bukel ti SAO ti DIOS” a ni JESUS (Lucas 8:11).¹ Ni



Ni Tony Alamo iti kannigid kadowa dagiti barbaro a nakombertir a nabautisaran idi 1970

JESUS ti kakaisuna a bukel ken isuna met laeng ti tagaimula iti dayta a bukel, ti SAO ti DIOS (Lucas 8:5-15). Datayo a templo ti DIOS ken Bagi ni CRISTO, ti NOBIANA, agtataeng kadayto ni JESUS ken ti AMA babaen iti ESPIRITU. Isu a babaen iti ESPIRITU, nagbalintayo a tagaimula iti agnanayon a biag, ni CRISTO, ti SAO (Juan 4:36).²

Datayo met laeng dagiti-naayaban-manipud-iti-lubong, ti iglesia.³ Manen, ti bukel a ni JESUS ket ti SAO ti DIOS. Datayo, dagiti sasanto, dagiti-naayaban-manipud-iti-lubong, ti iglesia—amin dagitoy ket biag, ti agnanayon-a-biag nga isu ti bukel nga addaan imortalidad ken, manen, daytoy ti SAO ti DIOS, ti DIOS a nagbalin a lasag ken nakipagtaeng kadayto, EMMANUEL, a kayatna a saoen adda ti DIOS kadayto (Mateo 1:23).

Ibaga dagiti dadduma a maag a saan nga agpampanunot, “Bigbiggek, saanko

unay basbasaen ti Biblia,” ipagarupda daytoy a maysa a kita ti kinapakumbaba ken napakumbaba, napudno a panangbigbig ket malusotanda ti panakaukom babaen iti panangibagada kadagitoy sinasadut a bambanag. Nupay kasta, dangdangranda laeng ketdi dagiti bagbagida iti agnanayon. Gapu ta “ti pammati agtaud iti panagdengngeg; ket ti panagdengngeg agtaud gapu iti SAO ni CRISTO,” a manen, isu ti bukel, ti maymaysa nga addaan agnanayon a biag iti bukodna (Roma 10:17). Ti SAO ket DIOS (Juan 1:1). Agnanayon ti DIOS, isu a no agtataeng ti DIOS kenka babaen iti SAO, saankanto pulos a matay, no agtali-naedka agingga’t panungpalan.⁴

Amin a makitatayo ditoy daga ket napagungar babaen iti SAO ti DIOS manipud iti daga, tapno nalawag a makitatayo, kangrunaan kadayto

a makaammo iti DIOS wenno makaam-ammon KENKUANA.

“Ta ti pungtot ti DIOS maipangarangang manipud Langit, a maibusor iti amin a kinadangcuc ken kinakillo dagiti tattao, a lappedanda ti kinapudno gapu iti kinadakes. Ta ti panangammo iti DIOS nalawag cadacuada met; ta ti DIOS imparangarangna cadacuada. Ta dagiti bambanagna

a di makita, nga isuda ti agnanayon a pannacabalin ken ti KINADIOS-NA maipacaammoda a nalawag, ta maipakitada gapu cadagiti inaramidna nanipud idi pannacaparsua ti lubong, tapno awan ti pagpambarda: Ta idinto a naammoanda ti DIOS [dagiti dati a Kristiano], saanda a dinaydayaw a cas DIOS, dida met nagayaman, no di ket nagtangsitda cadagiti panagipalpalawagda, ket nagsipnget ti nanengneng a pusoda. A cuncunada nga mamasiribda nagbalinda a nanengneng, ket sinuctanda ti dayag ti DIOS a di agrupsa iti caasping ti ladawan ti tao nga agrupsa, ken dagiti tumatayab, ken dagiti an-animal a nagsaka iti uppap ken dagiti ul-uleg.

“Gapuna, ti DIOS binaybay-anna ida cadagiti derderrep dagiti puspusoda nga agturong iti kinarugit, tapno

(Maituloy iti panid 2)

1 Mat. 4:3-4, Juan 1:1, 14, 1 Juan 1:1-3, 5:11, Pal. 19:13 2 Marc 16:15-16, 1 Cor. 1:21-24, 6:19, 2 Cor. 5:17-21 3 Juan 15:16, 19, 17:6, 14-16, 2 Cor. 6:14-18, 1Ped. 2:9 4 Mat. 4:4, 10:22, 24:13, Juan 5:24, 6:63, 11:26, Ara 14:22, Rom. 11:22, Col. 1:22-23, 1 Tim. 4:16, 2 Tim. 2:1-3, 3:13-17, 4:5, San 5:10-11, 1 Juan 2:24-25

TI KAKAISUNA A DALAN A RUMMUARAN

(Katuloy ti panid 1)

maibabain coma dagiti bagbagida cadacuada met laeng: Ta sinuctanda ti kinapudno ti DIOS iti ulbod, ket nagdaydayawda ken nagserservida iti par-sua a di ket iti Namarsua; isu a maday-dayaw nga agnanayon. Amen. Gapu iti daytoy ti DIOS binaybay-anna ida cadagiti derderrep a nacababain; ta uray dagiti babbai nga adda cadacuada sinuctanda ti nacaparsuaan a panna-caaramatda iti maisalungasing iti nacaparsuaan: Ket casta met dagiti lallaki, binaybay-anda ti nacaparsuaan dagiti babbai, simgedda iti derrep iti maysa ken maysa cadacuada, nga inaramidda ti nacarugrugit a pamay-an a lallaki ken lallaki, ket inawatda cadagiti bagbagida met laeng ti maicari a gonggona ti pan-nacaal-lilawda [nalinteg].

“Ket agsipud ta dida kinayat nga inammo ti DIOS, ti DIOS binaybay-anna ida iti maysa a nakem a dakes, tapno aramidenda dagiti bamanag a di maipaay; A napnoda iti amin a kinakil-lo, kinadakes, (pannakiabig), agum, dakes a nakem; napnoda iti apal, panagpapatay, ringgor, ulbod, kinadangcuc; managuy-uyaw. Managdadelda, managgurada iti DIOS, nacuspag, napalangguad, napasindayag, managparnuay cadagiti dakes a bamanag, nasukir cadagiti dada-

ckelda. Awan isipda, saanda a matalec cadagiti tultulag, awan ti ayatda a nacaparsuaan, awan asida; Nga idinto nga ammoda dagiti pagal-alagadan ti DIOS [gapu ta naisalakan-da iti maysa a kanito], a dagiti agaramid cadagiti cacasta a bamanag, maicarida ken patay, saan laeng nga aramidenda ida, no di ket umabuloyda pay cadagiti agaramid cadacuada” (Roma 1:18-32).⁵

Nagsublin ti lubong iti dati a kitana idi panawen ni Noe (Genesis 6:5-7, Mateo 24:37-44). Binaliwanen dagiti panunot dagiti tattao ti kinapudno ti DIOS iti ulbod (Roma 1:21-25).⁶ Ti kinapudno ti DIOS ket ISUNA laeng ti bukel nga addaan agnanayon a biag iti BUKODNA. Ibagbagadan, kas inararamidda idi panawen ni Noe nga ulbod ti kinapudno ti DIOS nga isuna ti maymaysa nga agnanayon a bukel, ket isursuroda daytoy dakes ken makadadael launay a banag kadagiti annaktayo kadagiti pangpubliko a pagadalan. Saan nga umdas para kadakuada ti makiasawa iti tunggal maysa. Kayatda nga isuro kadagiti annaktayo nga ulbod ti kinapudno ti DIOS. Inawatda dagiti demonio (demonio ti homoseksualidad), dagiti nabibileg a demonio a mangaramid kadakuada nga agdayaw kadagiti bamanag a linalasag, isu a dakdakkal ti panagserbida kadagiti naparsua ngem iti Namarsua (Roma 1:25). Gapu iti daytoy a rason, binaybay-anen ida ti DIOS. Inyawatnan ida kadagiti dakes a pagay-ayatan, dagiti bu-

5 Gen. 19:1-13, 24-25, Lev. 18:22, 20:13, Deut. 22:5, 23:17-18, Uk. 19:22-28, 1 Ar 14:24, 15:11-12, 2 Ar 22:1-2, 23:7, Ezek. 16:49-50, Rom. 1:18-32, 1 Cor. 6:9-10, 1 Tim. 1:9-10, 2 Tim. 3:1-5, Judas 7, Pal. 22:14-15 6 1 Tim. 4:1-3, 2 Tim. 4:3-4, 2 Ped. 2:1-3

kodda a narugit a pagay-ayatan, nga ayatenda launay. Nakita ti DIOS ti panangilaksidda KENKUANA ken ti agnanayon a biagna, ken nakaro ti pananglabanda KENKUANA babaen iti daytoy, isu a saanen ida a kombikbiktaren ti DIOS. Binaybay-anen ida ti DIOS ken impalubosnan a magun-odda ti banag a kayatda, dagiti dakes a pagay-ayatan! Impalubosnan nga aramidenda ti pilienda nga aramiden—babai kadagiti babai, lallaki kadagiti lallaki, lesbianismo ken homoseksualidad.

Nupay kasta, saan nga agnaed ti bukel ti DIOS, ti agnanayon a biag a bukel ti DIOS iti kararua a managdakdakes, gapu ta sukatan daytoy ti kinapudno ti DIOS iti ulbod! Napigsa daytoy demonio a homoseksual, ngem napigpigsang ni JESUS, ti bukel nga addaan iti biag nga agnanayon iti BU-

Nigeria

Patgek a Pastor Tony,

Kablaaw kenka iti nagan ni Jesus. Maragsakanak a mangibaga kenka a nagbalinakon nga adipen ti Dios babaen iti naebangelioan a babasaem ken iti programam iti Radio Africa. Agyamanak kenka iti wagas a panangiwagawagmo iti Sao ti Dios kadakami ditoy. Kakomkombertirko laeng ket kayatko a paw-itannak iti maysa a kompleto a Biblia ken kadagiti pagiwarnak karamanen ti libro a *Mesias*. Napukawak ngem nasarakan manen.

Bendisionan koma ti Apo ti ministrim iti nawadwad. Namnamaek ti makangngeg manipud kenka iti mabiit.

Napudno kenka,
Mone Akinwa and family
Sunshine State, Nigeria



Ni Pastor P.V. Ratnam agiwarwaras kadagiti babasaen ni Pastor Alamo kadagiti bario ti Andhra Pradesh, India



DAGITI ONLINE A MINISTRI NI ALAMO
www.alamoministries.com

KODNA.⁷ Imbaga ti DIOS a laksidentayo ti diablo ket panawannatayonto (Santiago 4:7).⁸ Ngem ibaga ti gobierno ti lubong nga agar-aramiditayo iti krimen a panaggura no laksidentayo ti homoseksualidad.

Sakbay a nagpangato ni JESUS idia Langit, pinarmekna ti patay, Impierno, ti tanem, ni Satanas, ken amin dagiti dakes a demonio, ngem siasinoman a manglaksid iti biag nga agnanayon ket masingirto gapu kadagiti korap a pangngeddengda.⁹ Awatendanto ti naikalintegan a bayad nga isu ti Impierno ken Dan-aw

ti Apoy, dagiti agnanayon a tuok. Ar-aramidenda daytoy kadagiti bagbagi-da kas met laeng idi panawen ni Noe (Lucas 17:26-30).

Nagbalinen nga uso ti panangsurot ken ni Satanas a nangallilaw iti entero a lubong (Paltiing 13:9).¹⁰

Ti ar-aramiden ti media ken ti gobierno ket ti panangaramid iti SAO ti DIOS kas panaggura a krimen, ngem daytoy laeng ti biag ken wagas nga panaglibas manipud iti agnanayon a tuok ken rigat idia Impierno ken iti Dan-aw nga Apoy. Ni laeng JESUS ken dagiti tattaona ti maseknan dita

7 Deut. 4:39, 32:39, 1 Sam. 2:6-8, 1 Cron. 29:11-12, 2 Cron. 20:6, Sal. 46:1, Isa. 44:6, 45:23, Jer. 10:10, 18:6, Dan. 4:35-37, Juan 10:29, Ara 17:24-26, Pal. 1:12-18 8 Mat. 4:1-11, Rom. 12:9, Ef. 4:27, 5:3-17, 1 Tes. 5:21-22 9 1 Cron. 28:9, Job 4:7-9, 21:14-20, Prov. 1:22-32, 8:36, 10:25, Isa. 1:15-20, Dan. 12:2-3, Luc 12:4-9, Juan 3:16-21, 36, Rom. 1:18, 1 Cor. 6:9-10, Judas 14-15, Pal. 20:11-15, 21:8, 27 10 Mat. 24:11-12, 24, 1 Tim. 4:1-2, 2 Tim. 3:13, 2 Ped. 2:1-3, Pal. 13:1-4, 11-15, 14:8, 17:8, 18:2-3, 23

Congo

(*Naipatarus manipud French*)

Sangalubongan a Pastor Tony Alamo,

Kappia ken ni Cristo! Siak ni Pastor Andre Hilarion, maysa kadagiti kasisingedan a tagabasa kadagiti Pagiwarnakmo. Nadiskobrek ti warnakam idi 2006 ket naan-anay a binalaliwanda ti ministrik ta linukatan ti Espiritu Santo ti matak idi binasak ida. Gapu iti daytoy a rason, us-usarenmin iti iglesia a pagpaspastorak ti babasaen a “Dagiti Palimed ti Papa” kas alikamen iti panagsaksi kadagiti publiko a lugar, ken agar-aramiden ti Apo kadagiti dadakkel a bambanag. Iti tunggal lawas, umaw-awatkami kadagiti baro a kararua a sinagid ti Espiritu Santo kalpasan a binasa ken inawatda daytoy, babaen iti panangipaayda iti puspusoda ken ni Jesus tapno ruggianna ti baro a biagda.

Isu a ti kiddawmi kenka ket pangaasim ta paw-itandakami pay iti ad-adu a surat iti agtultuloy a daras, kadagiti artikulo a French a mangipalubos kadakami nga agaramid iti sentro a pagiwarasan iti babasaen ni Pastor Tony Alamo.

Pastor Tony Alamo, ti Diosmo ket Diosmi. Ti missionmo ket nagbalin metten a missionmi. Ken ti labanmo ket labanmi met. Agyamankamin saksakbay, ken agkarkaragkami iti Naindaklan a Dios nga agbalinka koma a dakdakkel pay a pagayusan ti bendission para kadakami ken para kadagiti tattao iti tunggal nasion.

Andre Hilarion

Kimpese, Democratic Republic of the Congo

Missouri

Patgek a Pastor Tony Alamo,

Agyamyamanak iti ministrim ken iti paltiing dagiti kinapudno nga inted ti Dios kenka. Pudno a linukatam dagiti matak ken pinabilegmo ti pammatik iti Dios, imparangmo kaniak dagiti pangallilaw ni Satanas, ti sangalubongan a gobierno, dagiti operasionna a maibusor kadayto, ti Nobia, ken kadagiti aminen a dadduma nga us-usarena iti daytoy napukaw a lubong.

Pangaasim ta ipaw-itmo amin kaniak dagiti mabalinmo a maipaay a materiales. Kayatko AMIN ida. Agyamanak unay ken bendisionannaka koma ti Sibibiag a Dios ken uray pay ti ministrim iti aglaplapusanan iti parabur ken pannakabalinna! Pangaasim ta inayonmo ti naganko iti listaam iti panagkararag.

Ken Cristo,

Terry Birmingham

Cameron, MO

kararuam. Saanmo nga ipalubos a maallukoy naka ti Espiritu ni Satanas. Saanka a naipasngay a kasta. Mabalin a sinerreknaka ti demonio idi ubingka pay unay, ngem pakpaksiaten ni JESUS dagiti demonio kadagiti tattao.¹¹ ISUNA ti BIAG ken biag nga aglaplapusanan.¹² “SIAK immayac tapno maaddaanda ti biag ken tapno maaddaanda ti nawadwad unay” (Juan 10:10).

No ipakitak kenka no kasano a libasan ti agnanayon a pannakailunod, mabalin a patiem a maysa daytoy a krimen a panaggura. Ababa ti biag ditoy, ngem atiddog ti agnanayon.¹³ Saan nga agpatingga. Agbiag iti agnanayon ti kararrua dagiti tattao idia Langit wenno Impierno.¹⁴ Taotayo am-amin. Naikkantayo amin iti kalintegan a mangpili iti biag wenno patay, kinaim-

(*Maituloy iti panid 4*)

11 Mat. 8:16-17, 28-34, 9:32-33, 10:1, Marc 1:34, 39, 7:25-30, 9:17-27, 16:9, Luc 11:14 12 Juan 11:25-26, 14:6 13 2 Sam. 14:14, 1 Cron. 29:15, Job 7:6-10, 8:9, 9:25-26, 14:1-2, Sal. 22:29, 39:4-6, 11, 78:39, 89:47-48, 90:5-6, 9-10, 102:11, 103:14-16, 144:3-4, 146:4, Eccl. 1:4, 3:19-21, 6:12, 12:7, Isa. 2:22, 40:6-8, 24, 51:12, San 1:10-11, 4:14, 1 Ped. 1:24 14 Isa. 66:24, Dan. 12:1-3, Mat. 25:31-46, Marc 9:42-48, Juan 5:26-29, Rom. 2:1-16, Pal. 14:9-11

India

Patgek a Pastor Tony,

Napanak iti bario ti amak a maawawagan iti Sandipudi sangapulon nga aldaw ti napalabas tapno bisitaek ti daan a balaymi. Adda ti namati a masakit unay nga agid-idda ket impagarup dagiti tattao a matay, ngem binisitak ken inkararagko ti babai. Nangngeg ti Dios dagiti kararag ket naan-anay nga inagasanna. Babaen iti daytoy a banag dakkel ti panagraem ti kalye kaniak, ngem nagtalekak ken imbagak kadakuada, “Saan a siak, ngem ni Jesu-Cristo ti nangaramid daytoy. Itedtayo ti dayaw ken raem Kenkuana.”

Patiek a tinulongannak dagiti napapateg a kararagmo iti ministrina (ti Apo). Padayawantayo Isuna babaen kadagiti aramid ken sao.

Agyamanak kadakayo amin. Panggaasiyo ta ikararagdak ken ti ministri. Iti ayatna,
Daytoy Kabsatyo,
Rajesh Tatapudi
Andhra Pradesh, India

TI KAKAISUNA A DALAN A RUMMUARAN

(Katuloy ti panid 3)

bag wenna kinadakes, ti DIOS wenna ni Satanas.¹⁵ No sumrek kenka ti ESPIRITU ti DIOS ket pagtalinaedem ISUNA babaen iti panangawatmo KENKUANA, ti SAONA, inaldaw a mabaelamto a gun-oden ti pigs a ti bi-agna nga agnanaed iti unegmo karamanen ti pannakabalinna agingga iti ipapataymo. Nupay kasta, nasken a maipaay amin a kinagaget iti daytoy. Saan a makiang-angaw ni Satanas kenka! Kayatna a maalanaka idia Im-pierno iti Dan-aw nga Apoy.

Saan met nga agang-angaw ti DIOS. Natay ISUNA para kadatayo iti krus idia Kalbario, nagungar manipud iti patay ken nagpangato idia Langit tapno paneknekanna kadatayo a DIOS ISUNA ken addaan pannakabalin a mangisalakan ken mangpaungar kadatayo iti maudi nga aldaw.¹⁶

Saan a seks ti ayat. Ti ayat ket pangsalimetmet kadagiti bilin ti DIOS (1 Juan 5:3).¹⁷ No kayatmo, agbiagka. Imbaga ni JESUS nga ulbod ti tao a mangibaga nga am-ammonak (ay-ayatennak) ngem saanna met a sa-

¹⁵ Deut. 30:14-20, Jos. 24:14-15, Ezek. 18:19-32, 33:11, Joel 3:14, Mat. 16:24-27 ¹⁶ Marc kap. 16, Juan 11:25-26, Ara 2:29-33, 4:10-12, 1 Cor. 15:3-22, 1 Ped. 1:3-5 ¹⁷ Ex. 20:6, Deut. 7:9, 11:1, 13-15, 30:16, Jos. 22:5, Juan 14:15, 21, 15:10, 2 Juan 6

Kenya

Kumusta Pastor Tony Alamo,

Agpakumbabaak iti pakaseknam. Mabendisionanak launay iti pagiwarnakmo "Nasarakak ni Jesus iti Website ni Tony." Binasak dagiti artikulo ken inkaragko ti kararag a pammakawan iti pagiwarnak. Sipupudno a nagbabawia kadagiti basolko, kinaagpaysona nagluaak kas nagbabawia kadagiti sinayangko a panawen a nangtabtabaawak iti Dios! Nariknak a pinanawannak ti dadagsen ti basol. Pudno nalag-an ti panagriknak ken nawaya. Oh, pudno sapsapulek ti kastoy a rag-o, ti rag-o ti mapakawan ti basbasolna, ti rag-o ti agbib-iag ken ni Cristo. Agyamanak iti Apo iti panangisalakananna iti kararuak ken ikaragko nga idalannak koma ti ESPIRITU SANTO iti daytoy a naespirituan a panagdaliasat. Ita, mangrugiakon iti daytoy a naespirituan a panagdaliasat. Pangaasim ta idalannak no kasanoak nga agtultuloy ken ibabain ti diablo ken dagiti ulbodna. Iti maminsan pay agyamanak kadagiti ministrim kas ipapaayda amin a banag a main-aig iti relihion. Nawadwad a bendisionannaka koma ti Dios ken uray pay dagiti ministrim.

Sarah Terry

Bungoma, Kenya

limetmetan dagiti bilinko, ken awan ti kinapudno kenkuana (1 Juan 2:4). "Ket agsipud ta dida kinayat nga in-ammo ti DIOS, ti DIOS binaybay-anna ida iti maysa [kadagiti] a nakem [nakemda] a dakes" (ken iti dakes a panagbiagda), a mangaramid kadagiti bambanag a kayat ni Satanas nga aramidenda, ken patauden met ti dakes nga espiritu nga adda kadakuada nga ayatenda nga aramiden daytoy (Roma 1:28-32).

Baybay-am dagiti maag nga ag-balin nga ar-ari ken mangimaton iti

lubong babaen iti balitok, kinakillo, pulitika, ken dadduma pay a banag, ngem palubosam ti pusok a mangyeg iti ayat a saan a dumaan. Awatem ti bukel ti biag nga agnanayon. Rug-giam babaen iti panangibagam daytoy a kararag:

Kayat ti APO nga ibingaymo kadagiti dadduma ti pannakaisalakanmo (Marcos 16:15). Mabalinmo ti agi-waras kadagiti babasaen ni Pastor Tony Alamo. Paw-itandaka kadagiti libre a babasaen. Agtawag wenna ag-
(Maituloy iti panid 8)

Arkansas

Patgek a Pastor Tony,

Iti daytoy nga aldaw kadwak ti gayyem a Kristiano a born-again. Adda isuna iti pumpon. Ti natay ket maysa a ministro, nagadu ti tattao iti pumponna. Ti testimoniona sakbay a natay, uray aniaman a lugar ti papananna, iti Walmart (mall) man wenna iti pagtagilakuan iti agas wenna iti laeng kanto, kankanayonna nga ibagbaga kadagiti tattao, "Am-ammom kadi ni Jesu-Cristo kas personal a Mangisalakanmo? Nasayaatka met laeng kadi iti imatang ti Dios?" Inar-aramidna daytoy sadino man ti papananna, uray iti punto nga agtaktaka dagiti dadduma a tatta no apay nga inaramidna.

Iti pumponna, timmakder ti anakna a babai ket kunana, "Kayatko a sari-taen kadakayo ti pakasaritaan ti amak. Idi ubingak pay, agarup 13 ti tawenko, masansan a kumuykuyogak kenkuana, ket iti tunggal papananmi agsardeng isuna sana saludsoden kadagiti tattao no nasayaat met laeng ti relasionda ken ni Jesus, wenna ibagana, 'Am-ammom kadi ni Jesu-Cristo kas personal a Man-nubbotmo?' Adda dagiti kanito nga iti panagriknak ket masubsobraanna daytoy. Ibagana daytoy iti tunggal maysa, ken iti agtultuloy a wagas.

"Maysa nga aldaw naglugankami ket imbagak, 'Dad, apay ta kasapulam nga ibaga ti maipapan ken ni Jesus iti tunggal maysa?' Imbaga ni dadko, 'Anak, ibagak kanyam ti maysa nga istoria. Addaanak iti kasla tagtagainep a sirmata idi 17 ti tawenko, ket iti daytoy natayak ken napanak idia Langit. Daytoy ti kapintasanen a lugar. Idi kuan inyapandak iti igid ti Langit, ket timman-awak iti Impierno. Makitak dagiti im-ima a nakatag-ay kaniak ket agpukpukawda kaniak, 'Apay ta saanmo nga imbaga kadakami! Apay ta saanmo nga imbaga kadakami!' Ket tattao dagitoy nga am-ammok. Nagleppas ti tagtagainep ket nagsub-liak ditoy daga ket dayta ti rason no apay nga ibagbagak iti tunggal maysa.'"

Imbaga ti gayyemko nga ti testimonio nang-palagip unay kanyana ti maipapan kadatayo, kadagiti babasaen ni Pastor Alamo, gapu ta aniaman a papanantayo, kankanayontayo nga agiwarwaras kadagiti babasaen. Imbagana nga agballallaag ni Pastor Tony kadagiti tattao iti adun a tawtawen.

Madaydayaw ti Apo,

Kabsat a Tommy

Manipud iti Departamentotayo nga Agipatpatarus

Agtrabtrabahokami iti pannakaipatarus iti Ilocano (ti lengguahe a maus-usar iti Amianan ti Pilipinas), ket maysa nga agtutubo a lalaki ti maysa kadagiti agipatpatarus. Napatanur isuna a Pentecostal, nagleppas manipud iti seminario ti teolohia, ken agisursuro iti pagadalan ti Biblia para kadagiti agbalin a pastor. Addaan ti iglesiada iti 50 pay a dadduma nga iglesia a naiwaras iti entero nga Amianan ti Pilipinas, ken addaan dagitoy iti bukodda a papastor. Agdama a makitrabtrabaho isuna iti Philippines Bible Society a mangipatpatarus taagipatpatarus kadagiti komentario para iti tunggal libro ti Biblia.

Imbagana kadakami nga idi nakitana ti kalintegan iti kopya ti “Dagiti Palimed ti Papa,” “Imbaga ni Jesus a Maaddaan ni Satanas iti Iglesia ken Gobierno,” ken “Ti Reyna dagiti Balangkantis,” napaliiwna a nakapetsada pay manipud idi 80’s ken 90’s. Imbagana a nakakaskasdaaw ta nabayagen ti panangisurat ni Pastor Alamo kadagiti a kinapudno, ket kadagita a tiempo awan ti makailasin kadagitoy kas kinapudno, ngem itan nalakadan a mabigbig. Sakbay ti siasinoman, ammon ni Pastor Alamo dagitoy a bambanag ken inwarnakna tapno mabalagaan ti tunggal maysa.

Kunana a napeklan a Katoliko ti Pilipinas ket saanmo a mabalin ti agsarita iti siasinoman kadakuada maipapan iti Apo, ngem kalpasan ti pannakabasana kadagiti

sursurat manipud kadagiti tattao nga agkidkiddaw iti babasaen nga iwarasda ken kadagiti tattao nga agsaksaksi, nagkiddaw met isuna iti sagsasangagasut a piraso iti tunggal babasaen a timmulonganna nga impatarus tapno iwarasna. Nagkiddaw pay isuna iti adu a libro a Mesias. Kunana, “Agipatpatarusak para iti Bible Society, ngem panagkombertir daytoy kadagiti kararua.” Imbagana nga ipagpannakkelnay unay ta nagbalin a paset isuna iti daytoy, ken us-usarennay dagiti babasaen kadagiti klasena. Kunana, “Napanak iti seminario ket adda dayta kaniak, ngem daytoy a babasaen ket pudno ken serio. Makitak ti kinaserioso ti mapaspasamak iti bukodko a biag. Makitak a daytoy a babasaen ti mapaspasamak iti agdama.”

Ti agipatpatarus iti Swahili ket ina ti tallo ken asawa ti pastor. Imbagana a nasken nga agpudno isuna, ta no agtrabtrabaho kadagiti nadumaduma a babasaen maipapan iti papa, ipagpagarupna a dadduma kadagiti akusasion maibusor iti papa ken iti Iglesia Katoliko ket saan a nakapapati ken napalalo. Imbagana nga ammona a palso a doktrina ti Katolisismo, isu a ti kinapudno dagiti mensahe ket saan a napateg basta maibaw-ing dagiti tattao manipud iti Katolisismo. Ngem saanna latta a pinati daytoy.

Imbagana a basbasaen ti asawana ti babasaen iti maysa a rabii ket sinaludsodna kenkuana, “apay ta dinawatmo gayam dagitoy?” Imbagana kenkuana, “Tapno maiwarasko ida kadagiti tattao no iyapanko dagiti ubbing iti park.” Imbagana a dagus, “Saan laketdi! Idulinmo dagitoy! Saanmo mabalin nga basta iwaras ida. Pudno dagitoy! Nasken nga adalentayo ida.” Kunana, “Nagadalak iti kolehio ti Biblia ket maisursuro dagitoy a bambanag ken naidokumentoda ken amin a naisurat ditoy ket pudno.”

Kunana a kimmita isuna kenkuana ket imbagana iti pusona, “Napanka nagadal iti kolehio ti Biblia kadagiti napalabas a tawtawen ket ammom a pudno dagitoy. Ania ti inaramidmo tapno maballaagan ti lubong ken ti kolehio tapno maballaagan ti lubong? Awan ti aniaman nga inaramidmo wenno ti siasinoman maipapan iti daytoy. Daytoy a tao (Pastor Alamo) ket inayaban ti Dios tapno agsao gapu ta awan ti binallaagan ken awan met ti dadduma a nangaramid iti daytoy.” Imbagana, “patiekan itan, ken marurodak kadagidiay saan a nangibaga iti kinapudno, ngem inlemmengda dagitoy a kinapudno.”

Ti agipatpatarus iti Swedish ket napananur kas Protestante, ngem iti adun a tawen awan pulos ti nakainaiganna iti iglesia, relihion wenno iti Dios. Maysa isuna a napulitikaan nga aktibista, makibakbakal kadagiti nadumaduma a kamali iti gobyerno ti Sweden. Agsursurat isuna kadagiti napulitikaan a blog ken addaan kadagiti konferens ken agipatpatarus kadagiti babasaen kas saydaylna (Part-time a trabaho). Natibker isuna kadagiti pammatina no maipapan kadagiti relihion, ngem iti panagbasa iti paset ti libro a Mesias, nangrugi a nagsangit idi nabasana, “Nagikkis ti bung-goy, ‘Ilansayo Isuna, Ilansayo Isuna.’”

Imbagana kadakami, “Inadalko dagiti agduduma a teoria ti konspirasi, ngem awan pulos ti siasinoman a nakitak a nanginaig iti amin iti Vatica a kas iti daytoy. Nakaskasdaaw daytoy. Kayatko launay nga ar-aramiden daytoy. Aminkayo marugruggiandakon a maimpluensiaan. Agsursuratak iti blogko ket napan-sinko a kutkutarek metten ti libro ti Paltiing.”

Imbaga ti agipatpatarus a Serbian nga addaan iti bachelor degree iti history a magagaran unay iti pannakapagpasetna iti daytoy. Imbagana nga addaan ti Serbia iti pakasari-taan a napunno kadagiti narelihionan a panangidadanes nga addaan iti adu a pamapatay, ken sagsagabaen ni Pastor Alamo daytoy narelihionan a pannakaidadan ken agsasao pay latta isuna. Makapagagar daytoy kunana.

Nigeria

Patgek nga Alamo Ministries,

Kablaaw kadakayo iti nagan ti nabendissionan nga Apo ken Mannubbottayo a ni Jesu-Cristo. Dakkel ti panangbalbaliw ti sangalubongan a pagiwarnak ti Tony Alamo Christian Ministries kadagiti biag idia Igodan Lisa nga ili idia Nigeria. Dakkel unay ti pammulot iti daytoy a babasaen. Tinulonganna ti naespirituan a biagko babaen iti panangitag-ayna kaniak iti baro a tukad ti pannakaawat kadagiti bambanag ti Dios. Ti tagaiwarasmo ti nangited kaniak iti pagiwarnak a “Ginggined.” Inaramatko met ti gundaway a nangiyabot kadagiti dadduma a tattao ken iti siasinoman a nangitedak iti papel, inawatda ni Jesus kas personalda nga Apo. Madaydayaw ti Dios.

Pangaasiyo agkiddawak iti ad-adu pay kadagitoy, tapno matulongan-dak iti panagkombertir kadagiti kararua. Bendissionan koma ti Dios ti aramidyo. Agyamanak.

Kadwam ken Cristo,
Jasaau Imamu

Ondo State, Nigeria

New York

Patgek a Pastor Tony Alamo,

Naawatko ti pagiwarnakmo iti subway idia New York City, ken immay kaniak iti kanito a panagkasapulak unay. Napateg unay ti impormasion iti babasaem.

Agkiddawak met iti librom a *Mesias*, 100 a pagiwarnak, kasta met kadagiti mensahe iti CD.

Agyamanak,
Eric F.

Rhinebeck, NY

Testimonio iti Pannakapaimbag

(*Naipatarus manipud Portuguese*)

Oktubre 27, 2014

Ti naganko ket Pastor Isaque Roberto. Naggapuak idia y Londrina iti Estado ti Paraná, Brazil, ket kayatko iti mangibingay iti maysa a banag babaen iti daytoy nga email. Pastorak idia y Londrina iti agarup 15 a tawenen. Tallo a tawen ti napalabas ti familiak ket napiglatan iti nakaalalinggaget, ngem dakel a pasamak.

Idi Hulyo 24, 2011, ti anakmi a babai a ni Beatriz Gabriela (iti tawen a pito), nagdalan iti seryoso nga aksidente idi nadungpar isuna ti agmanmaneho iti taxi kas magmagna iti pagballasiwan. Napigsa unay ti pannakadungparna ta segun kadagiti imbestigador, naipurwak isuna iti agarup 6 a metro. Timmarayak iti sibayna, awan ti angesna ket malagipko a nagpukkawak, "Umawagkayo iti tulong!" Idi kimmitaak manen kenkuana, nakitak ti dalig ti motorsiklo ken iti boses a nagkuna, "Tumulongak. Maysaak a bumbero." Iti dayta a kanito, inkabil ti Dios dayta immuna a timmulong sadiay. Impaiddana ni Beatriz sananto inaramid ti CPR, ket naguyek isuna iti dara. Simmangpet ti tulong, ket kabayatan a tamtamingenda isuna idia y uneg ti ambulansia, rinuggiak ti nagkararag. Kinomfrontarnak ti diablo ken impakitana kaniak iti panunotko ti imahe ti maysa nga am-ammok nga ubing a lalaki a nadungpar met iti lugan ket napukawna ti abilidadna nga agsao ken aggaraw. Iti agdama isu ket bagbagkaten ti familia babaen iti wheelchair. Iti dayta a kanito, iy-iyeg ti diablo ti imahena kaniak ken ibagbagana, "Dayta ti pagbanaganto ti anakmo a babai."

Naiyapan isuna iti ospital ken naadmitar kadagiti sumaganad a nasukimat: natukkol a kannigid a saka, natukkol a kannigid a takyag, natukkol a kannigid ken kanawan nga abaga, nasugatan

a pali, nadisporma a bara ken maikatlo a tukad a trauma iti ulo (ti maikapad a tukad ket patay).



Idi simmangpetkami idia y intensive care unit, nakitami ti anakmi a babai a naikonekta kadagiti makina, agang-anges babaen iti maysa a makina, ken na-koma. Tallo nga aldaw kalpasan ti aksidente, idi maika-27 ti Hulyo, inayabannakami ti neurosurgeon a mangtam-taming kenkuana ket

kunana, "awan ti nasayaat a damag a maibagak. Kimmaro ti situasionna. Saan nga agresponde ni Beatriz kadagiti medikasyon, ken naaddaan pay iti cranial hypertension. Lumlumteg ti utekna. Gapu iti dayta, saan nga agay-ayus ti dara iti utekna, ken iti sumaruno a sumagmamano nga oras, matayton ti utek ni Beatriz." Imbaga ti doktor, "Addaanak iti maysa laengen a maudi nga alternatibo, isu ti panangopera tapno maikkat ti paset ti bungo iti agsinnumbangir tapno mapababa ti presyon iti utek ni Beatriz, tapno adda ti lugar a pagukradanna. Nupay kasta, awan kasiguraduan nga agbaliw ti kondisionna wenno madaeranna ti operasyon."

Pinalubosanmi ti operasyon, gapu ta ammomi a ti maudi a sao ket agtaud iti Dios. Kabayatan nga isagsaganada amin a banag, imbagada nga agtali-

naedkami iti ayan ni Beatriz tapno maibagami dagiti panagpakadami. Nangrugi a nagkararag ni baketko kabayatan a taw-tawagak dagiti dadduma a mangibabaet ken impalawagko ti situasion. Kabayatan nga isangsanggir ni baketko ti bagina ken ni Beatriz kas agkarkararag isuna, adda tao nga immay kenkuana ket kinunana, "Inang, isingasingko kenka nga ikararagmo iti Dios nga alaennan isuna, gapu ta no makalasat isuna, agbalin laeng a baldado iti pagiddaan." Kalpasan ti sumagmamano nga oras nga awanan pannakaammo no ania ti napasamak, nakaawatak iti mensahe iti teleponok manipud iti ipagko a nagkuna nga agkarkararag isuna kabayatan ti malem ket naaddaan isuna iti sirmata. Nakitana ti dakes nga espiritu a napan iti asawak ket imbagana dagita nga eksakto a sasao.

Nagpaot ti operasyon iti agarup lima nga oras. Idi inyapanda ni Beatriz iti intensive care unit, nabalkot ti entero nga ulona ket nadisporma ti rupana. Ti laengen aguray ti maaramidak. Inkarakaragmi iti Dios nga agasanna isuna, ngem agtultuloy nga um-umay ti dakes a damag—numonya, ti impekasyon ti ospital.

Maysa nga aldaw sakbay ti panagkasangay ni Beatriz (maika-8 iti Agosto), imbaga ti doktor nga isardengnan dagiti agas a pangpaturag tapno kitaenna no makaruar isuna manipud iti koma. Sinaludsodko, "kasano kabayag iti panagkunam sakbay a makariing isuna?" "Awan ti wagas a maamoantayo dayta," kunana. "Mabalin a makariing isuna tatta, no bigat, no sumaruno a lawas, no sumaruno a bulan, sumaruno a tawen, ngem mabalin met a saan isuna pulosen a makariing," dayta ti pananggupgopna.

Sumagmamano nga aldaw kalpasan, naikkaten ti artificial breathing machine. Nagrambakkami ta nangrugi isuna nga agriing. Nupay kasta, kabayatan iti rabii, nakasin-



glot iti likido ni Beatriz ket immalas ti panagangesna. Idi simmangpetkami iti ospital, nakitami isuna a marigatan nga aganges. Ar-aramiden dagiti medical team ti amin a kabaelanda tapno sumayaat ti panagriknana. Rim-muarkami tapno mangngaldaw, ket idi agsublikami ket kiddawenmi ti sumrek, pinagelandakami. Kimmitaak iti ruangan ket naipalikmot ti entero a medical team iti katrena ket agsangitda. Kinasapulanmi ti sumagmamano a minuto a naguray, ket idi napalubosankamin a sumrek, nakitami manen a naikabil ken ni Beatriz ti pagangesan a tubo. Imbaga ti maysa kadagiti doktor, “Mabalin a kasapulanmi nga aramiden ti tracheotomy, ket kasapulan nga angesen ni Beatriz ti oxygenna babaen iti tubo. Mabalin nga awanton ti abilidadna nga aganges iti bukodna.” Ad-adu manen a dakes a damag—sabali manen a rason tapno agkararag. Sumagmamano nga aldaw ti napalabas, nakariing ni Beatriz manipud iti pannaka-komana ket naiyapan iti infirmary.

Intultuloymi ti imkis iti Dios ken iti kankanayon nga agayunar. Idi napan ni Beatriz iti infirmary, inaramidmi ti kwarto kas sentro a pagkararagan, 24 nga oras inaldaw. Addaankami kadagiti pagdayaw a kankanta nga agtuk-tukar. Nagkarkaragkami iti tunggal oras. Sumrek dagiti tao ket makitada ni Beatriz a nakaidda iti katre a ti sakana ket nasimento, nakakonekta iti makina a pagangesan ken panganan ket ibag-bagada, “Kasano nga adda ti dakkel unay a kappia iti daytoy a lugar?” Iti amin-amin, adda ti 53 nga aldaw a pannakaospital na.

Idi nairuar ni Beatriz, nagawid isuna nga awanan iti aniaman a senyales ti panagimbag. Addaankami iti katre ti ospital, tugaw a pagdigusan, ken wheelchair idiy balay. Makitungtung-tong ti asawak iti physical therapist ket sinaludsodna, “Doktor, iti panagkunam kasano kabayag sakbay a makapagna manen ni Beatriz?” Insungbat ti doktor, “Nabayagen nga addaak iti daytoy a trabaho, ket awan pay pulos nasarakak a babasaen iti mediko wenno istoria a nangngegko maipapan iti siasinoman a nakalasat iti aksidente a kas napadteng

ni Beatriz. Mabalin nga addanto ti aldaw a makapagna isuna babaen iti sarukod wenno walker, ngem iti makapagna manen a normal—iti panagkunak—saan pulos.” Nupay kasta, inkeddengmi iti espiritumi a saan nga agbanag iti kasta a wagas. Intultuloymi ti nabileg a panangsapul iti Apo, no dadduma iti pammati, no daddumaa iti panagsangit, ngem kankanayon nga addaan panagtalek. Iti maysa nga aldaw inyapanmi isuna iti klinika ti komunidad gapu ta kasapulanmi ti referral, ket imbagak iti doktor nga masapul unay daytoy. Kiniddaw ti doktor a kitaenna ni Beatriz, ket idi simrekak iti opisina nga iggemko isuna iti imak, sinaludsod ti doktor, “Sir, apay ta agapapurakayo launay? Anya ti mabaliwan iti kasasaad daytoy nga ubing?”

Kasapulan ni Beatriz ti maopera tapno maikabil ti prosthesis iti lugar a nakaikkatan ti tulang iti bungona. Naalami ti patta-patta a (Brazilian Real) 147,500.00 (nganngani \$60,000.00 USD). Awan kadakami ti kwarta, isu nga adda manen sabali a rason tapno agkararag. Iti pannakaawatmi kadagiti pannakaidalan manipud iti Dios babaen iti maysa a gayyem, rinuggianmi ti nagkampanya tapno mapaaddami dayta a kwarta. Iti maysa a Huwebes, nakaawatak iti tawag. Maysa a babai a nangrugi a nagsaludsod maipapan ken ni Beatriz. Sinaludsodna no mano pay ti kasapulanmi, ket kunak (BRL) 57,000.00 (\$23,000.00 USD). Kunana a kitaenna no adda maaramidanna a banag para kadakami. Iti sumaruno a Lunes, idi napanak iti bangko tapno iruarko ti balanse, nadiskobrek a dayta a tao ket nangidiposo iti gatad a kasapulanmi. Iti uneg ti 40 nga aldaw nabaenami a napaadda ti tunggal kwarta a kasapulanmi. Madaydayaw ti Dios!

Napasamak ti operasion idi Disyembre 23, 2011. Iti dayta a kanito, mabaen ni Beatriz ti agtugaw babaen iti tulong ti sumagmamano a pungan ken makatugaw metten isuna iti wheelchair. Idi Disyembre 27, napanak nagpakada ken ni Beatriz sakbay a mapanak idiy simbaan. Iniggamak ti imana ket imbagak a mapanak idiy simbaan. Nariknak idi a guyguyudenna ti imak. Iniggamak isuna a sipipigsa ket namnaminsan a timmakder isuna.

Nakigtotak ket nagatrasak, ket iti isu met laeng a kanito, nagaskaw manen isuna a nagpasango ket nagtultuloy a nagna. Matalek ti Dios!

Kas naglabas dagiti aldaw, nagtultuloy a napasubli ni Beatriz dagiti abilidadna. Rinuggianna ti nagsao ken nagsurat. Idi Mayo 2012, nagsubli isuna iti pagadalan.

Ita, kalpasan ti tallo a tawen, isuna ket sibibiag a testimonio iti labes ti ganggay a mirakulo, pammaneknek a napudno ti Dios iti Saona ken agtigtignay iti pabor kadagidiay a mamati. Ti sao nga adda kaniak para iti biagmo iti amin a kanito ket, “AMIN A BANAG MABALIN CADAGITI MAMMATI” (Marcos 9:23).

Sumagmamano nga aldaw ti napalabas, kadwa ti asawak ti maysa a physical therapist, ket ipakpakita ti doktor ni Beatriz iti maysa kadagiti estudiantena ken kunana, “Daytoy ket milagro, gapu ta no saan a gapu iti Dios, awan koma isuna ditoy. Awan ti maaramidan ti agas kenkuana.”

Awan ti maaramidan ti agas, ngem KABAEAN TI DIOS! MAKAPAGTIGNAY MET ITI BIAGMO!

Pastor Isaque Roberto

Daytoy a testimonio ket naibingay iti entero nga iglesia idiy Londrina ket nagbalin nga ehemplo iti pannakabalina ti Dios a mangkarit iti pammatitayo. Buyaem iti YouTube ti testimonio nga inrekordmi idiy simbaan: <http://www.youtube.com/watch?v=YHqBk0A4nA>.

Cuba

(Naipatarus manipud Spanish)

Kablaaw manipud Cuba,

Maadda koma ti kappia ti Apo iti tunggal maysa. Agyamanak iti Apo, ita nga aldaw addaanak iti bendision a panangala iti dua pay a package.

Idanunyo ti panagyamanko kadagiti amin nga adipen ti Dios nga addaan iti bendision a panangidanon iti Sao iti amin a lubong babaen iti daytoy a ministri. Ipaayko ti naisangsangayan a panagyamanko para iti amin.

Bendisionannakayo ti Dios,
Reverend Marrero Havana, Cuba

TI KAKAISUNA A DALAN A RUMMUARAN

(Katuloy ti panid 4)

emailka kadakami para iti ad-adu pay nga impormasion. Ibingaymo daytoy a mensahe iti sabali.

APOK ken DIOSKO, maasi Ka kadi iti kararuak a managbasol.¹⁸ Mamatiak a ni JESU-CRISTO ket isu ti ANAK ti sibibiag a DIOS.¹⁹ Mamatiak a natay ISUNA idia y crus ken imbayatna iti napateg a DARANA para iti pannakapakawan iti amin a napalabas a basolko.²⁰ Mamatiak a ti DIOS pinagungarna ni JESUS manipud iti patay babaen iti pannakabalin ti NASANTOAN NGA ESPIRITU,²¹ ken agtugtugaw ISUNA iti makannawan nga ima ti DIOS ket iti agdama a dengdenggenna iti panangikonfesarko iti basolko ken iti daytoy a kararag.²² Ilukat ko ti ruangan daytoy pusok, ket AWI-SENKA ditoy pusok, APO JESUS.²³ Ugasam amin dagiti narugit a basolko babaen iti napateg a dara nga IMBUYATMO iti lugarko iti krus idia y Kalbario.²⁴ SAANNAKTO a paglikudan, APO JESUS; PAKAWA-NEMTO dagiti basolko ken isal-

akanmo iti kararuak. Ammok gapu ta ti SAOM, ti Biblia, isu ti ibagana.²⁵ Ibagu ti SAOM a SAANMONTTO a paglikudan iti siasinoman, ket mairamanak dita.²⁶ Ngarud, ammok a NANGNGEGNAK, ken ammok a SINUNGBATANNAK, ken ammok a naisalakanakon.²⁷ Agyamanak KENKA, APO JESUS, iti panangisalak-akanmo ditoy kararuak, ket ipakitak iti panagyamanko babaen iti panagtulnogko kas AGMANDARKA ken babaen iti saankon a panagbasol.²⁸

Kalpasan ti pannakaisalakan, ni Jesus imbagana nga agpabautisarka iti naan-anay a pannakaipabatok iti danum, iti nagan ti AMA, ken ti ANAK, ken ti ESPIRITU SANTO.²⁹ Adalem ti Santa Biblia [ti Ingles a King James Version] ken aramidem no ania ti ibagana.³⁰

Ti APO kayatna nga ibagam iti dadduma ti pannakaisalakanmo. Mabalinmo ti agbalin a tagawaras kadagiti babasaen a maipapan iti Ebanghelyo nga insurat ni Pastor Tony Alamo. Ipaw-itmi ti babasaen kenka nga awan bayadna. Agtawag wenno ag-email ka kanyami para iti ad-adupay nga impormasyon. Ibingaymo daytoy a mensahe iti dadduma.

No kayatmo ti lubong a maisalakan, kas inmandar ni JESUS, saanmo ngarud a taktakawan ti DIOS kadagiti KU-KUANA nga apagkapullo ken datdaton. Kuna ti DIOS, “Takawan kadi ti tao iti DIOS? Ngem TAKTAKAWANDAK. Ngem ibagayo, sadinno ti nangtakawanmi KENKA? Kadagiti apagkapullo ken datdaton. Nailunod kayo iti lunod: gapu ta TINAKAWANDAK, uray pay daytoy buo a nasion [ken daytoy buo a lubong]. Yegyo amin dagiti apagkapullo [ti apagkapullo ket iti 10% iti amin a pastrekmo] iti kamalig, tapno addanto ti karne [Naespirituan a makan] iti BALAYKO [naisalakan a karkararuak], ken PADASENDAK iti daytoy, kuna ti APO dagiti BUYBUYOT, no saankonto nga ilukat kenka dagiti tawtaw ti Langit, ken ibuyatko kenka ti bendision, nga awanto ti kwarto a makalaon a mangawat iti daytoy. Ken ungtakto ti mangdadael para kadakayo, ket saananto a dadaelen dagiti bunga ti dagayo; uray pay dagiti ubasyo saanda nga ited ti bungada sakbay iti panawenna, kuna ti APO dagiti BUYBUYOT. Ken amin dagiti nasion ket awagandakanto a nabendisionan: ta sikanto ket makaay-ayo a daga, kuna ti APO dagiti BUYBUYOT” (Malakias 3:8-12)

18 Sal. 51:5, Rom. 3:10-12, 23 19 Mat. 26:63-64, 27:54, Luc. 1:30-33, Juan 9:35-37, Rom. 1:3-4 20 Ara. 4:12, 20:28, Rom. 3:25, 1 Juan 1:7, Pal. 5:9 21 Sal. 16:9-10, Mat. 28:5-7, Marc. 16:9, 12, 14, Juan 2:19, 21, 10:17-18, 11:25, Ara. 2:24, 3:15, Rom. 8:11, 1 Cor. 15:3-7 22 Luc. 22:69, Ara. 2:25-36, Heb. 10:12-13 23 1 Cor. 3:16, Pal. 3:20 24 Ef. 2:13-22, Heb. 9:22, 13:12, 20-21, 1 Juan 1:7, Pal. 1:5, 7:14 25 Mat. 26:28, Ara. 2:21, 4:12, Ef. 1:7, Col. 1:14 26 Mat. 21:22, Juan 6:35, 37-40, Rom. 10:13 27 Heb. 11:6 28 Juan 5:14, 8:11, Rom. 6:4, 1 Cor. 15:10, Pal. 7:14, 22:14 29 Mat. 28:19-20, Juan 3:5, Ara. 2:38, 19:3-5 30 Jos. 1:8, Sal. 1:1-2, 2 Tim. 2:15, 3:14-17, San. 1:22-25, Pal. 3:18

Kontaken dakami para iti ad-adupay nga impormasion wenno babasaen iti dadduma a topiko nga ayan ti interesmo.

Tony Alamo, World Pastor, Tony Alamo Christian Ministries Worldwide • P.O. Box 2948, Hollywood, CA 90078 USA

Linya ti 24-Oras a Panagkararag ken Imformasion: (661) 252-5686 • Fax (661) 252-4362

www.alamoministries.com • info@alamoministries.com

Ti Sangalubongan a Nakristianoan a Ministri ni Tony Alamo ket mangipaay iti lugar a mabalin a pagtalinaedan nga addaan kadagiti bambanag a nasken iti panagbiag para kadagidiay adda iti lokasion ti U.S. a pudno nga agtarigagay nga agserbi iti APO iti amin a puso, kararuak, panunot ken pigsa.

Dagiti Gimong a maar-aramid iti Ciudad ti New York Tunggal Martes iti 8 P.M. ken iti dadduma a lokasion iti rinabii.

Tawagan (908) 937-5723 para iti impormasion. ADDA MAIDASAR A MAKAN KALPASAN TI TUNGGA GIMONG.

Dawatem iti libro ni Pastor Alamo, Ti Mesias, a mangiparang ken ni Cristo manipud iti Daan a Tulag iti nasurok a 333 a padto.

Makipagtrabahoka iti panagapit iti kararuak babaen iti panangiwarasmo kadagiti babasaen a sinurat ni Pastor Alamo.

Amin dagiti babasaen ken dedenggen a mensahe ket awan bayadna, agramanen ti pannakaibusonna.

Nu adda ti agpabpayad kadakayo, tawagam daytoy a numero (661) 252-5686 collect.

LINAON DAYTOY A BABASAEN TI PUDNO A PANGGEP TI DIOS A PANANGISALAKAN (Aramid 4:12).

SAAN MO NGA IBELBELLENG, IPASAM ITI SABALI.

Kadakayo nga adda iti dadduma a nasion, awisendakayo a mangipatarus iti daytoy a babasaen iti bukodyo a pagsasao.

Nu iprintayo manen, inayunyo daytoy a kalintegan iti kopya ken pannakairehistro:

© Kalintegan iti Kopya Nobyembre 2014, 2015 Amin a kalintegan naited Sangalubongan a Pastor Tony Alamo © Nairehistro Nobyembre 2014, 2015

ILOCANO—VOLUME 20500—THE ONLY WAY OUT